



**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XI. De his, quæ fiunt à Majori parte Capituli.

---

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

## TITULUS XI.

De his, quæ fiunt à Majori parte  
Capituli.

### SUMMARIUM.

1. Quænam sit major pars Capituli.
2. Quando censeatur Capitulum legitimè congregatum.
3. Qualis majoritas Capitularium requiratur.
4. Et qualis subscriptio ad valorem actuum Capitularium.

**U**T à Capitulo rite aliquid fiat, v. g. præstetur consensus, ubi secundum Jura necessarius est Prælato, debet legitimè esse congregatum, & major pars Capitularium conspirare. Pars major autem potest esse vel absolute, nimirum respectu habito ad omnes suffragia ferentes, ut si Capitulum constet ex 24. Capitularibus præsentibus, & 13. conspirent: vel respectively, seu respectu habito ad vota dispersa, mediætatem Capitularium præsentium non attingentia, ut si ex 24. septem velint hoc, octo aliud, & novem iterum aliud, vota novem sunt respectively majora.

Dico 1. Ut Capitulum legitimè sit congregatum, requiritur, ut omnes in loco præsentes, qui jus suffragii habent, & interesse possunt, convergentur in locum unum ab habente potestatem convocandi. Text. & DD. in c. 42. de Elect. l. 3.

Uu 5

¶ 4.

& 4. ff. quod cujuscunque Universit. Duxi 1. omnes; si enim vel unus non sit vocatus, potest agere de contemptu, &c., quod à reliquis actum est, irritare. per c. 28. & 36. de Elect. Si vero pauciores, quam duæ tertiae, si præsentes Capitulares dividerentur in tres partes, tantum essent vocati, conventus & ejus acta ipso Jure essent nulla. l. 3. & 4. cit. Duxi 2. in loco præsentes; absentes enim ordinariè non sunt necessariò vocandi. arg. c. 55. de Elect. exceptis casibus facienda electionis Prælati, vel novi Canonici, & cessationis à Divinis. c. 42. cit. c. 8. de off. Ord. in b. & quando tractatur negotium suminè arduum, v. g. de alienatione rerum & jurium Ecclesiæ, vel quando aliud habet consuetudo. Duxi 3. ab habente potestatem convocandi, qui est Episcopus vel Prælatus, nisi sit absens, vel nisi proponendum esset negotium concernens vel rem ad Prælati commodum spectantem, vel solum Capitulum tangentem, aut nisi Capitulum sit exemptum; in his enim casibus convocare pertineret ad Prædem Capituli, v. g. ad Decanum.

3 Dico 2. Ad valorem actus Capitularis regulariter sufficit & requiritur consensus partis absolute majoris & senioris præsentium, et si opponatur pars minor. c. 1. 3. & fin. h. t. c. 48. de Elect. quia pars major repræsentat totam communitatem, & quod hæc facit, ob omnibus fieri censetur. l. 19. ff. ad municipalem. Duxi 1. regulariter: nam duas tertias conspirare in postulandum necesse est, quando Postulatio concurrit cum Electione, & quando eligitur Praefecta Monialium in discordia &c. c. 40. de Elect. & c. 43. eod. in b.

omnes

omnes autem, quando decernitur electio per viam compromissi, vel quando agitur de re singulos Capitulares concernente, non quæ Collegium. per c. 29. de R. J. in 6. Dixi 2. absolute majoris; licet vi consuetudinis, extra casum electionis Prælati, vel negotii valde ardui, passim sufficere dicantur respectivè majora. Dixi 3. sanioris: sed, nisi manifestè appareat, majorem partem prævo affectu in transversum agi, major pars semper præsumitur etiam sanior, & hinc multis in locis solet tantum attendi major suffragiorum numerus. Dixi 4. præsentium, inter quos etiam censentur absentes illi, qui debuissent vocari, & non sunt vocati, proin si ex 24. Canonicis tres non essent vocati, absolute majora non essent 11. sed 13. suffragia. Abb. in c. 55. de elect. n. 10. Ohjic. In c. 29. cit. dicitur: *quod omnes tangit, ab omnibus* debet approbari. & in c. 56. de R. J. in 6. in re communi potior est conditio prohibentis. ergo, si decretum Capitulare præjudicat minori parti, & hæc se opponit, non sufficit consensus majoris partis. R. hæ regulæ solùm procedunt, quando aliquid decernitur de jure singulorum proprio, non, quando decernitur de jure universitatis, vel singulorum quidem, at redundante in utilitatem Ecclesiæ, vel Collegii.

Quæres, an & qualis subscriptio requiratur in Instrumento, quod erigitur super actu Capitulari? R. de Jure scripto necessaria est subscriptio, saltem in gravioribus negotiis, non solùm Prælati. sed etiam Capitularium vel omnium, vel saltem majoris partis. can. 52. caus. 12. q. 2. c. 1. de his, quæ fiunt à Präl. Hodierno tamen usu solet se tan-

684 LIB. III. TITULUS XII.

tantum subscribere Prælatus, & Capituli caput, vel senior, vel uterque, adjecto generali nomine Capituli vel Conventus, & oppositō sigillō tum Prælati tum Capituli. Interim talis subscriptio non reddit instrumentum satis securum; nam si causa ad Judicium deveniat, & Capitulares diffreantur se præbuuisse consensum, horum contradic̄tio vel assertio prævalet. c. 5. de probat. nec patiuntur Jura, ut in Prælati, & alterius, qui sigilla communia custodiunt, potestate sit Ecclesiam obligare, vel ei præjudicare. per c. 2. de solut.

TITULUS XII.

*Ut Ecclesiastica Beneficia sine diminutione conferantur.*

SUMMARIUM.

1. *Quinam dicatur diminutio Beneficiorum.*
2. *An Collator possit reservare fructus Beneficii.*
3. *An & qualem Beneficio imponere Pensionem possit Episcopus.*
4. *An novum onus personale Beneficiato.*

I **D**iminutio Beneficiorum esse censetur, si uniantur, dismembrentur, dividantur, vel supprimantur, de quibus jam egimus tit. V. item si collator sibi vel aliis reservet fructus in collatione, aut novum onus vel reale, ut est pensio ex fructibus, alteri à Beneficiato solvenda, vel personale, ut est obligatio can-

tandi